

Doño di Penha Kevin Jonkheer

“No solamente nos ta drecha nos tienda, pero nos ta hisa tambe e calidad di caya grandi”



Kevin Jonkheer, miembro di e famia propietario di Penha, a hiba palabra durante un conferencia di prensa pa anuncia e plannan di renobacion di e edificio den Caya G.F. Betico Croes. Hunto cune tabata presente Prome Minister Mike Eman y Minister di Infraestructura Benny Sevinger, kendenan a gradici e comerciante pa e muestra di confianza den e futuro di caya grandi.

Jonkheer a cuminsa na splica con e estado anterior di caya principal tabata. “Caya principal tabata un problema grandi pa nos. Durante ultimo dies aña el a bin ta deteriora.” Tambe el a expresa con contento nan tabata ora cu Gobierno a tuma over e iniciativa di renoba henter caya grandi y a desaroya e plannan di loke ya por ripara lo bira e futuro di caya principal.

“Nos a inverti ya caba aña pasa den nos interior di cosmetica pa hisa e calidad di nos tiendanan. Manera Prome Minister mes a bisa, nos no a uza verf, pero nos a busca e materialnan di calidad mas halto pa no solamente mehora



nos tienda, pero tambe hisa e calidad di caya grandi for di su imagen inicial.” Mescos cu ta e caso cu famia Habibe y edificio conoci como Nicky Habibe Building, propietario nan di Penha, Calypso Building y Shana, tur den caya principal, ta haciendo inversionnan grandi pa mehora e aspecto di e fachada y interior di nan edi-

ficio anticipando e conclusion di e proyecto di renobacion di caya grandi programa pa ta cla na luna di december.

Jonkheer a felicita Prome Minister Eman y Minister Sevinger pa haci e realisacion di e proyecto posibel hunto cu henter e vision di un Oranjestad mas bunita y moderno.

Den e Expo Hall ayera nochi Prome Minister Mike Eman a anuncia construccion di un boutique hotel den Caya Grandi



No kier a warda un dia mas, pero ayera nochi mes, despues di un miembro di famia Harms a yega Aruba, el a bay directamente na Expo Hall, unda un Prome Minister Mike Eman masha orguyoso a anuncia un inversion cu famia Harms lo haci, pa construi un boutique hotel den Centro nobo di Oranjestad.

Esaki ta otro prueba di confianza cu comerciantenan ta demonstra den maneho di Gabinete Eman y awor cu revitalisacion di centro di Oranjestad ta ke-

dando cla, nan tampoco kier keda atras y kier forma parti di esaki, y pesey ayera nochi a keda anuncia construccion di e hotel aki.

E proyecto aki lo keda construi riba e parking-lot cu nos conoce cu ta keda dilanti di Oficina di Landsloterij. Ta trata aki di un inversion cuantioso, sin garantia di Gobierno. Como cu ta trata di un boutique hotel, e no ta cay bao di moratorio di construccion di mas hotel. Den curso di mayan, nos lo tin mas di e participacion aki.